

**Javno preduzeće "GRIJANJE" d.o.o. Zenica
-NADZORNI ODBOR-**

Broj: 11335/23

Datum: 31.08.2023. godine

Na osnovu člana 31. Satuta Javnog preduzeća „Grijanje“ d.o.o. Zenica, člana 42. Zakona o javnim preduzećima („Službene novine Federacije BiH“ broj: 8/05, 81/08, 22/09 i 109/12) i Odluke o utvrđivanju povoljnih uslova za zaključenje ugovora o izmirenju dospjelog duga prema javnim preduzećima („Službene novine Federacije BiH“ broj: 3/10, 90/14 i 36/16), nakon razmatranja Zahtjeva potrošača, broj: 11268/23 od 30.08.2023. godine, Nadzorni odbor Javnog preduzeća „Grijanje“ d.o.o. Zenica na 31. redovnoj sjednici održanoj 31.08.2023. donosi

O D L U K U

**o plaćanju duga pod povoljnijim uslovima Javnom preduzeću „Grijanje“ d.o.o. Zenica
u periodu 01.09.2023. - 31.12.2023. godine**

Član 1.

(Predmet)

(1) Ovom odlukom utvrđuju se povoljniji uslovi za plaćanje glavnog duga i troškova sudskih postupaka Javnom preduzeću „Grijanje“ d.o.o. Zenica (u daljem tekstu: Preduzeće) od strane potrošača toplotne energije (u daljem tekstu: dužnik), način plaćanja, uslovi plaćanja, podnošenje zahtjeva za plaćanje glavnog duga i troškova postupka, bez zakonskih zatezних kamata (u daljem tekstu: Zahtjev), kao i ovlaštenje za odobravanje plaćanja duga pod povoljnijim uslovima.

(2) Plaćanje duga pod povoljnijim uslovima podrazumijeva plaćanje ukupnog dospjelog duga, bez plaćanja zakonskih zatezних kamata.

Član 2.

(Sadržaj duga)

Ukupan dospjeli dug koji je predmet plaćanja pod povoljnijim uslovima, sadrži:

- a) glavni dug koji je utužen,
- b) glavni dug koji nije utužen i
- c) troškove sudskog postupka.

Član 3.

(Zahtjev za plaćanje duga bez plaćanja zakonskih zatezних kamata)

Dužnik obavezno podnosi na protokol Preduzeća, Zahtjev za plaćanje ukupnog duga, bez zakonskih zatezних kamata (jednokratno) na tipskom obrascu koji obezbjeđuje Preduzeće.

Potrošači koji su podnijeli zahtjev za oslobađanje zakonskih zatezних kamata u periodu od 01.07.2023. godine do dana donošenja ove odluke nisu dužni podnositi novi zahtjev ukoliko su platili ukupan dospjeli dug.

Član 4.

(Uslovi za plaćanje duga bez plaćanja zakonskih zatezних kamata)

Plaćanje duga bez plaćanja zakonskih zatezних kamata odobrit će se dužnicima pod uslovom da izmire ukupan dospjeli dug.

Član 5.

(Izuzetak od primjene)

U predmetima u kojima je sudskom odlukom djelimično usvojen prigovor zastare, Uprava Preduzeća će u svakom pojedinačnom slučaju odlučivati o plaćanju duga bez zakonskih zatezних kamata.

Član 6.

(Rok za podnošenje Zahtjeva i period važenja Zahtjeva)

- (1) Krajnji rok za podnošenje Zahtjeva, u skladu sa ovom odlukom je 31.12.2023. godine.
- (2) Period važenja Zahtjeva je 30 (trideset) dana od dana podnošenja istog na protokol Preduzeća. Nakon proteka tog roka, isti se arhivira u spis/spise.

**Član 7.
(Realizacija)**

Za realizaciju ove odluke zadužuju se Uprava Preduzeća i stručne službe Preduzeća.

**Član 8.
(Stupanje na snagu)**

Ova odluka stupa na snagu danom donošenja, a primjenjuje se od 01.09.2023. do 31.12.2023. godine.



Predsjednik Nadzornog odbora

mr.sci. Hasan Helvida, dipl.ecc.

DOSTAVLJENO:

- 1x Nadzornom odboru
- 1x Uprava preduzeća
- ③x Stručne službe Preduzeća
- 1x Odbor za reviziju Preduzeća
- 1x Odjeljenje za komercijalne poslove
-web stranica Preduzeća
- 1x Arhiva Uprave preduzeća
- 1x Arhiva Nadzornog odbora